

Script of Evening Gojri News Bulletin 10 August 2024 at 1700 Hrs

ایوننگ گو جری نیوز بلیٹن مورخہ 10 اگست 2024

یوہ آکا شوانی جموں ہے محمد امین انجم تے طارق ابرار تیں خبر سنو۔ پہلاں خاص خاص خبر۔

*1- وزیر اعظم نریندر مو دی کیرالہ مانہ لاس پسیں تیں متاثرہ علاقوں غو دورو کر رہیا ہیں۔

*2- پولیس نے ضلع کٹھوعہ مانہ بوا دہشت گرد حملہ مانہ ملوث 4 دہشت گرداں غا خاکہ جا ری کیا ہیں۔

*3- بھارت غی دفاعی روانگی رواں مالی سال مانہ 78 فیصد تک پُچ گئی ہے۔

*4- تے پیرس اولمپکس مانہ 76 کلو پہار فری سٹائل کشتی مقابلہ مانہ رتیکا بڈا نے کوارٹر فائنل مقابلہ مانہ جگہ بنا لی ہے۔

خبراں غی تفصیل نال پہلاں محمد امین انجم۔

PM Kerala

وزیر اعظم نریندر مو دی جہیڑا وایاناڈ غا زمین کھسکن آلا علاقوں غا دورہ ور ہیں چورال مالا پُچیا ویں اُن علاقوں غو دورو کر رہیا ہیں جت پچھلا مہینہ غی 30 تا ریخ نانہ بڑی متی لاس پسیں پین غی وجہ نال لوک بڑی طرح متاثر ہوا تھا۔ اس سلسلہ مانہ فوج نے چورال مالا دریا پار کرن غی خاطر 190 فٹ پُل تعمیر کیو۔ جس غی مدد نال گڈیاں غی اُو جا ئی مانہ آسانی پیدا وے گی۔ اس ضمن مانہ وزیر اعظم نے فوج غا جواناں نال گل کی۔ جہیڑا بجاؤ کا روایاں مانہ لگا واہ تھا۔ وزیر اعظم غے ہمراہ کیرلہ غا گورنر عارف محمدخان، وزیر اعلیٰ پنا ریہ وجیان اور وزیر مملکت برائے پیٹرو لیوم تے قدرتی گیس اور سیاحت سریش کوی وی گیا ہیں۔ چورال مالاتیں ویں ایم آئی ایم ایس ہسپتال اور رلیف کیمپ پُچیا۔ جہیڑو سینٹ جوزف اسکول مانہ قائم کیو گیو ہے۔ واضع رہے۔ اس تیں پہلا وزیر اعظم نے متاثرہ علاقوں غو ہوائی دورو کیو۔

JK Terrorist

کٹھوعہ پولیس نے اج اُن 4 دہشت گرداں غا خاکہ جا ری کیا ہیں جہیڑا ضلع مانہ کنیں جگہیں دیکھیا جان غی رپورٹ ملی ہیں۔ آکاشوانی جموں غا نمائندہ نے رپورٹ توری ہے جے پولیس نے قابلِ عمل اطلاع دین آلا شخص نانہ فی دہشت گرد 5 لکھ روپیہ غو نقد انعام دین غو اعلان کیوجن دہشت گرداں غا خاکہ تیار کیا گیا اُنہاں نانہ آخری بار مبینہ طور ور ضلع کٹھوعہ تے ضلع اُدھم پور غا ملہار، بنی تے سوج دھار ڈھوکاں مانہ دیکھو گیو تھو۔ قابلِ ذکر ہے جے اس سال 8 جولائی نانہ کٹھوعہ غا بڈنوٹا علاقہ مانہ اک دہشت گرد حملہ غا نتیجہ مانہ فوج غا 4 جوان شہید ہو گیا تھا۔ اس تیں علاوہ جموں صوبہ غا کنیں حصاں مانہ پچھلا 3 مہیناں مانہ اضافو دیکھو گیو ہے تے اس طرح حفاظتی دستاں نانہ چوکس کر غے تلاشی کا روایاں مانہ باہو کیو گیو۔

Reasi Job Latter

لیفٹنٹ گو رنر منوج سنہا نے اج ریا سی مانہہ 9جون نانہہ ہوا دہشت گردانہ حملہ غے دوران ہلاک ہون آلا وجے کمار غی کہرالی رینو شرما نانہہ معاوضہ غی بنیا دور تقرری نامو سونیو۔ آکا شوانی جموں غا نمائندہ غی رپورٹ غے مطابق ریاسی غو رہن آلو اک ڈرائیور جہیڑو یا تریاں نانہہ کلڑا تیں شیو کھوڑی لے جا رہیو تھو اور رستہ مانہہ دہشت گرداں نے گڈی وں حملو کر دتو تھو جس مانہہ وجے کمار سمیت 9 افراد ہلاک جد کہ 41 دوجا زخمی ہوا تھا۔ لیفٹنٹ گو رنر نے حملہ مانہہ شہید ہون آلا شہریاں غا گنہہ نانہہ ہر ممکن امداد اور تعاون غی یقین دہانی کرائی ہے۔ اس موقعہ وں راج بھون مانہہ ڈپٹی کمشنر ریا سی وشیش پال مہاجن تے وجے کمار غا اہل خانہ وی موجو دتھا۔

Encounter

وادی کشمیر غا اننت ناگ ضلع مانہہ اج دہشت گرداں تے حفاظتی دستاں ہشکار اک ٹاکرو شروع ہو گیو۔ دہشت گرداں غی موجو دگی با رے ملی اک سو غی بنیا دور حفاظتی دستاں نے کوکر ناگ علاقہ نانہہ گھیرا مانہہ لے غے تلاشی کا روائی چلا رکھی تھی۔ جہیڑی تصادم غی شکل اختیار کر گئی۔ اس سلسلہ مانہہ مزید تفصیل غی اجوں اڑیک ہے۔

House

ذریعہاں غے مطابق جموں کشمیر یوٹی انتظامیہ تاولاں ہی جموں کشمیر مانہہ ہون آلا اسمبلی چنواں غے پیش نظر جموں اور سرینگر مانہہ اسمبلی عمارتاں نانہہ تیار کر رہی ہے۔ اک سرکاری بیان مانہہ کہیو گیو ہے جے جموں کشمیر غا چیف سیکریٹری اتل ڈلو غی قیادت مانہہ اج اک میٹنگ منعقد ہوئی جس مانہہ جموں اور سرینگر دوہاں جگہاں وں اسمبلی ایواناں نانہہ انتخابات تیں بعد اسمبلی اجلاس غی کا روائیاں واسطے تیار کرن غو اک منصوبو تیار کیو گیو۔ چیف سیکریٹری نے افسراں وں زور دتو ہے جے وے اسمبلی ایواناں نانہہ جموں اور سرینگر دوہاں جگہاں وں مقررہ وقت غے اندر آرائش گا کم نانہہ مکمل کرن غا ہر ممکن اقدام کیا جائیں۔

Jammu University

تیجی جنس برادری نانہہ تعلیم غا بہتر مواقع دین گا سلسلہ مانہہ جموں یونیورسٹی نے اہم فیصلو لیناں وں تیجی جنس سنگ تعلق رکھن آلا طالب علماں غی داخلہ فیس معاف کرن غو اعلان کیو ہے۔ تیجی جنس برادری سنگ تعلق رکھن آلی طالبہ ارنوی جس غی داخلہ فیس معاف ہوئی ہے نے جموں یونیورسٹی غو شکریو ادا کیو اور آکا شوانی غا نمائندہ سنگ گل کرتاں وں اس طرح کہیو۔۔ باٹ۔۔

I-Day Reasi

اٹھتراویں یوم آزادی غا اک حصہ غے طور اج جنرل زوراور سنگھ ڈگری کالج ریا سی نے قومی ترانو گان اور سوال جواب غا مقابلہ با رے بین کالج مقابلہ غو انعقاد کیو۔ پروگرام کالج غا کا فرنس حال مانہہ منعقد ہوؤ۔ آکا شوانی غا ریا سی آلا نمائندہ نے رپورٹ ٹوری ہے جے گورنمنٹ ڈگری کالج پونی، جی ڈی سیکٹرا، گو رنمنٹ ڈگری کالج دھرماڑی تے تے جی ڈی سی مہور نے اس پروگرام مانہہ حصو لیو۔

یہ خبر تم آکا شوانی جموں تیں سن رہیا ہیں خبراں غا باقی حصہ نال طارق ابرار۔

Defence Export

بھارت غی دفاعی روانگی مالی سال 25/2024 غی پہلی سہ ماہی مانہ پچھلا سال غا اسے وقت غا مقابلہ مانہ 78 فیصد تک پُج گئی۔ وزارت دفاع غے مطابق سال 25/2024 غا پہلا 3 مہینا مانہ 6 ہزار 9 سو 15 کروڑ روپیاں تک بدھ گئی۔ جہیڑی پچھلے سال اسے سہ ماہی مانہ 3 ہزار 8 سو 65 کروڑ روپیہ تھی۔ سماجی ذرائع ابلاغ ور اک اشتہار سانجھو کرتاں واں دفاعی ترجمان اے بھارت بھوشن بابو نے کہیو جے یوہ قدم سرکار غی طرفوں دفاعی سیکٹر بارے خود انحصاری بارے اک مثال قائم کرن بارے پکو ارادو ظاہر کرے۔

Bhaderwah Raod

سیاحت غا حوالہ سنگ قدرتی منظر رکھن آلو بہدرواہ تبدیل ہون واسطے تیار ہے۔ کیونجے بکھ بکھ جگہیں سڑک پروجیکٹاں ور کم چل رہیو ہے تے اسے طرح غی اک سڑک چمپال پدري تیں بھل پدري تک جان آلی 10 کلو میٹر سڑک وی تیار کی جا رہی ہے۔ 1 ہزار 3 سو 5 لکھ روپیاں غی لاگت نال بنائی جا رہی مذکو رہ سڑک مرکزی سڑک فنڈ تیں تعمیر کی جا رہی ہے۔ جس غی مدد نال خطہ مانہ کئیں سیا حتی جگہ قابل رسائی ہو جائیں گی۔ اس سلسلہ مانہ سیاحت نال منسلک افراد سڑک ور چل رہیا کم غی وجہ نال پُر جوش ہیں۔ اس سلسلہ مانہ کئیں متعلقین نے اپنا خیالات غو اظہار کرتاں واں اس طرح کہیو۔ بائٹ۔۔۔

Kathua Farming

نوجواناں نانہ کھیتی باڑی آلے پا سے راغب کرن غا سلسلہ مانہ ضلع کٹھوعہ مانہ ”دکش کسان سکیم“ عملائی جا رہی ہے۔ کٹھوعہ تیں آکاشوانی غا نمائندہ نے رپورٹ دتی ہے جے 90 طالب علمان غا گروہ نانہ ڈڈوارہ غا کسان سنجے کمار غا کھیت مانہ 15 دنان غی عملی تربیت دتی جا رہی ہے۔ یہ نوجوان پھلاں، سبزیاں تے بارہ ماسی کا شتکا ری مانہ حصو لے رہیا ہیں۔ آکاشوانی سنگ کجھ طالب علمان نے اپنا خیالات سانجھا کرتاں واں اس طرح کہیو۔۔۔

Ramban HADP

مال چوکھر بارے محکمہ رام بن نے مجموعی ذرعی ترقیاتی پروگرام غے تحت 5 سو لیٹر غا خود کار دودھ ذخیرہ کرن غی آکائیاں غی کنفر چندرکوٹ مانہ شروعات کی ہے۔ مہارا آکاشوانی غا ضلع نمائندہ رام بن غی رپورٹ غے مطابق یہ آکائیاں مقامی لوکان نانہ باختیار بنان غے نال نال پائیدار ڈیری ترقی غو ذریعو وی ثابت ویں گی۔ اس بارے مزید تفصیل سانجھی کرتاں واں چیف انیمل ہسپنڈری افسر ڈاکٹر سپیل کاؤسہ نے اس طرح کہیو۔ بائٹ۔۔۔ اس تیں علاوہ اڈھم پور تیں آکاشوانی گا نمائندہ نے رپورٹ دتی ہے جے محکمہ باغبانی منصوبہ بندی تے ما رکیتنگ غی طرفوں پنچایت گھر ریمبل مانہ اک بیداری پروگرام منعقد کیو گیو جس مانہ کسانان نانہ ذراعتی پیداوار پروگرام غے تحت فصلان نانہ سمیٹن تے رکھ رکھاؤ بارے جانکاری دتی گئی۔

Eve Olympics

دوبزار 24 پیرس اولمپکس مانہ بھارت غی اک ہو ر میڈل غی امید برقرار ہیں کیونجے بھارتی کالسری پہلوان ریتکا بڈا نے اپنی ہنگری غی حریف پہلوان نانہ کالسریاں غا 76 کلو

گرام فری سٹائل مقابلہ ماہہ 2/12 نال ہرا غے کو ارٹر فائنل مقابلہ واسطے کو لیفائی کر ليو
ہے۔ ہُن کو ارٹر فائنل ماہہ ریتکا ہڈاغو مقابلو کر گستان غی میڈٹ کائی زی شنگ وے گو۔

اس غے نال ہی خبراں غو یوہ بلیٹن ختم ہوؤ۔